



UNIVERSITÄTS-
BIBLIOTHEK
PADERBORN

Universitätsbibliothek Paderborn

Carminvm Iacobi Albani Ghibbesii, Poetae Lavreati Caesarei, Pars Lyrica

Gibbes, James Alban

Romae, 1668

Avctoris Vitae Epitomae, ex magno Opere Illustriss: Viri, D. Caroli Cartharii, Consistorialis Advocati, cui titulus, De Romano Athenaeo, decerpta.

urn:nbn:de:hbz:466:1-13378

AUCTORIS

VITAE EPITOME,

ex magno Opere Illustris: Viri,

D. CAROLI CARTHARII,

Consistorialis Advocati,

cui titulus, DE ROMANO ATHENAEO,
decerpta.

IN Magnae Britanniae Insula, quam Angliam nuncupamus, primaria ciuitas eminent, quae Troiae nomen in suo natali sortita, Romanorumque Colonia effecta, a Ludo siue Luddo Principe, eiusdem urbis restauratore, Londinum deinde dicta est. Eo sub caelo Guilielmus Ghibbesius & Maria Stonora, ille Bristolius, haec Oxoniensis, laudandi Scriptoris nostri progenitores, domicilium posuerunt: sed Iacobo Rege religionis causa postmodum ablegante, patrium solum in Gallicum aliquando commutarunt. Anglum igitur origine, Gallum ortu IACOBVM ALBANVM GHIBBESIVM tibi exhibeo: qui demigratus in orbem, in sacro baptismatis lauacro IACOBI nomine, ALBANI autem in sacro chrismate, ad honorem Angliae protomartyris, appellatus est. Nono circiter anno a parentibus vocatus, iter in Angliam iniit, quod & ipsi ab exilio profecti, patriae post annos vndecim restituti, paulo ante remeauerant. Hinc quasi perpetuo peregrinandi studio GHIBBESIVS Vlysses imitatus, velis equisque (ut aiunt) ad Sapientiam contendit. Belgio quippe, Hispania, Germania, nostraque Italia peragratis, ijs in singulis vel ornati-

inens

A V C T O R I S

mentum literarum, vel clarorum illustriumque virorum
amicitiam collegit, vel

----- *mores multorum vidit, & urbes.*

Romæ denique, in hac, inquam, luce orbis terrarum, atque omnium gentium arce, tanquam ingenij theatro, virtutis & gloriæ cursum cum pede, pedem cum mente (tamen poterat mentem) figendum sibi duxit. Urbanus Octavius, immortalis memoriæ Pontifex, regnabat; cuius anno ultimo exeunte, GIBBESIVS Urbem aduenit, ætatis annū agens vigesimū octauū: vbi perpetuò (decem si exceperis supra vnum annum menses, quibus à Francisco Mutinæ Duce ad Almerici filij eruditionem ingenti mercede euocatus, Romā abfuit; ob inualetudinem tamen diutiùs, quin rediret, perseuerare non poterat) in clientela & comitatu Bernardini Spadæ, purpurati Patris ac literarum amantissimi, vsquè ad ipsius Cardinalis obitum, familiarissimè vixit: quo defuncto, Iustiniani Principis patrociniū expertus est, atque experitur. GIBBESII dotes animi eximias, ornamenta, & scientiarum hinc recenserem, nisi Cardinalis ipse calamus easdem ad viuum expressisset in epistolâ ad Mutinæ Ducem transmissâ, huic libello attextendâ. Mutinam adiuit, sed ob aduersam, vt indicavi, valetudinem ibi diù manere non valens, Romam redijt, quem Dux nihilominus non impari vel præconiij gloriâ, vel muneris, cumulauit reuertentem. Verùm regnantis ALEXANDRI VII. Summi Pontificis, in bonas artes propensissimi, munificentiam expertus est: cuius nutu, defuncto Henrico Chifellio, magni nominis viro, literas politiores in Ro: Sapientiæ Lyceo per septem lustra professo, GIBBESIVS ad viduatum suggestum anno 1657. euectus est. At quàm egregiè munere sibi demando perfungatur, Vrbs ipsa erudita loquitur, plurimæ incessanter editæ lucubrationes comprobârunt, edendæque plures attestabuntur. Viuit in orbis Regiâ, staturâ nequè procerâ nequè exiguâ, corpore gracili, aspectu nobili, incessu graui, colore albo, capillis flauis, oculorum obtutu non lynceo, quinimò specillum præstò est identidè; totus in studijs, in laboribus totus, ignotus nemi-

V I T A .

nemini. Paucæ hæc de IAC. ALB. GHIRBESIO, tãquã
 de singulari homine in cyclopædiã omnium scientiarum
 ac doctrinarum versatissimo, perstrinxi, vberiori calamo
 vitam eius alibi profecutus . Vbi cum omnes antè acce-
 ptos honores virtutis ac literaturæ nomine copiosè de-
 claravi, tum luculentissima principum virorum præmia
 Lyrae eiusdem ob excellentem in re poëticã facultatem
 expresse posui, quodam veluti inter reges instituto gra-
 tificationis & magnificentiæ certamine, delata . Sed for-
 tunæ muneribus hoc loco (vt breuitati consulam) præter-
 missis, quæ in nostro *De Romano Athenæo* codice pleniùs
 legi possunt, illud solùm præclari ingenij honestamen-
 tum veræ virtuti debitum expromam, LEOPOLDI Imper.
 semper Aug. diplôma Romam ad eum cum torque au-
 reo & numismate nouissimè missum ; quo GHIRBESIUS
 Laureatus Poëta Cæsareus vltro quidem, honorequè post
 Petrarcham adhuc concessio nemini, fuit amplissimè pro-
 nunciatus . Id quod oprimè intellexit sapientissimus Prin-
 ceps CLEMENS NONVS Pont. Max. peramans
 vatis nostri & antiquus patronus, quippè cui
 in præsentiam ad osculum sacri pedis ad-
 missio tantæ rei gloriam (iam enim
 innotuerat ei factum) singu-
 laribus verbis haud est
 postea dedignatus
 perquam
 humaniter gratulari . A cuius adeò ipsius animo
 plusquam Cæsareo, in literatosquè omnes
 supra fidem propensâ voluntate, nihil
 ita amplum esse videtur atquè
 magnum, quod præcipuo
 quasi iure sperare ille
 non possit .

[* *]

Im.